

周書王會卷一

後儀王應麟伯厚南補注

周室既寧八方會同各以職來獻欲垂法厥世作王會

補曰晉輿服志云成王之會唐顏師古云昔武王時遠國入朝太史次為王會篇愚謂成周之會在成王時討序周公既成洛邑朝諸侯是也八方四方四維之國

王會

成周之會周一作王

王會

王城既成大會諸侯及四夷也補曰成周者洛邑之總名成王命周公營成周下瀕水東瀕水西為朝會之地謂之王城是為東都作雒篇曰乃作大邑于上中城方千七百二十丈郭十七里南繫于洛水北因于郊山以為天下湊諸侯四方貢賦道里均

單上張赤帝張陰羽

除地曰墀帝帳也陰鶴也以羽飾帳補口觀禮諸侯觀於天子為宮方三百步四門壇十有二尋深四尺司儀將合諸侯為壇三成公於上等侯伯於中等子男於下等幕人朝觀會同共帝掌次合諸

侯設重帝帝以旄下而承塵易曰鳴鶴在陰相鶴經曰鶴陽鳥也而游於陰禽經曰鶴愛陰而惡陽故以陰為鶴三體圖在上曰帝四旁及上

天子南面立統無繁露朝服八十物摺珽

繁露冕之所垂也所尊敬則有焉八十物木小所服摺插也珽似笏補曰司儀詔王儀南鄉見諸侯古者受朝立而不坐明堂位天子負斧依南鄉而立黃帝初作冕統冕崔豹古今注牛享問冕以繁露者何答曰綴玉而下垂如繁露也冕之旒似露而垂王衣冕五采縹十有二就皆五采玉十有二

王會

王會

王會

用玉二百八十八前旒蔽明無繁露所以廣視也珽玉笏也玉藻曰笏天子以球玉天子摺珽方正於天下也玉人大圭長三尺杼上終葵首天子服之大圭或謂之珽神舒春秋繁露以屬唐叔荀叔周公在左太公望在右皆統亦無繁露朝服七十物摺笏旁天子而立於堂上

唐荀國名皆成王弟故曰叔旁謂差在後也近天子故冕亦無旒補曰唐叔虞封於堯舊都為唐侯地理志太原晉陽縣詩唐國在今太左氏傳有荀侯世本荀姬姓杜預云河東長脩縣東地有荀城



在分玉藻笏諸侯以象曰茶前詘後直五經要義  
笏以記事防忽忘禮圖云度二尺有六寸中博二  
寸其殺六分去一晉宋以來謂之手板古者笏搢  
之以記事不執之以為儀宇文周百官始執笏

堂下之右唐公虞公南面立焉

唐虞二公堯舜後也補曰樂記武王克殷未及下

車封帝堯之後於祝帝舜之後於陳初陳陳州宛

史記以祝為蕭鄭康成謂黃帝堯舜後為

三恪

堂下之左殷公夏公立焉皆南面繞有繁露朝服五

十物皆搢笏

杞宋二公冕有繁露搢笏則唐虞同也補曰周頌

振鷺二王之後來助祭史記武王克殷求禹之後

得東樓公封於杞今開封府書序成王命微子啓

代殷後宋府梅福曰封殷於宋紹夏於杞明著

三統示不獨有也

為諸侯之有疾病者昨階之南祝淮氏榮氏次之珪

瓚次之皆西面彌宗之旁

淮榮二祝之氏也彌宗官名次珪瓚南差在後補

曰祝主祭之贊詞宗人主神之列位尊卑能知

山川敬於禮儀明神之事者以為祝能知四時

牲壇場上下氏姓所出者以為宗古以宗伯為上

宗彌宗蓋宗人云昨階東階也瓚者盛鬯酒之器

以珪為柄謂之珪瓚

為諸侯有疾病者之醫藥所居

使儲左右召則至也補曰此見遇臣之厚處事之

周相者太史魚大行人皆朝服有繁露

魚太史名及大行人皆讀相賓客禮儀補曰春官

大史下大夫大朝觀會同以書協禮事及將幣之

日執書以詔王秋官大行人中大夫掌大賓之禮

大客之儀

堂下之東面郭叔掌為天子篆幣焉繞有繁露

郭叔號叔文王弟篆錄諸侯之幣也補曰左氏傳

號叔王季之穆也在畿內謂之西號括地志故城

在岐州陳倉縣今鳳翔府號文公其後也唐世系表平

王求號叔裔孫序封於陽曲號曰郭公號謂之郭

聲之轉也篆說文艸名古字假借凡冕公衮侯伯

鷩子男毳孤絺卿大夫玄冕之旒諸公九侯伯七

子男五玉皆三采孤四三命之卿三再命之大夫



再王皆朱綠

內臺西面正北方應侯曹叔伯舅中舅

內臺中臺也應侯成王弟曹叔武王弟皆國名為

諸侯二舅成王之舅姜兄弟也補曰左氏傳應武

之穆也曹文之昭也武王封其子於應今汝州封

弟叔振鐸於曹今廣濟軍曲禮異姓謂之伯舅叔

舅傳曰齊甥舅之國

比服次之要服次之荒服次之西方東面正北方伯

父中子次之

此要服於比服轉遠故殊其名非夷狄之四荒也

三百四十

王卷一

伯父姬姓之國中子於王子中行者補曰服言服

王事也比近也以職方九服約之比服其侯甸要

服其男采衛荒服其蠻夷鎮蕃與祭公謀父諫穆

王謂先王之制有甸侯賓要荒亦與職方異曲禮

同姓謂之伯父中子王之支子也

方千里之內為比服方二千里之內為要服方三千

里之內為荒服是皆朝於內者

此服名因於殷非周制也補曰職方九服并王畿

方五千五百里此三服方六千里王畿不與焉其

在周官未作之時乎洛誥傳諸侯采服來受命者

千七百七十三諸侯

堂後東北為赤帝焉洛盆在其中

雖不用而設之敬諸侯也補曰洛盆禮記謂之杆

其西天子車立馬乘六青陰羽鳧旌

鶴鳧羽為旌旌也補曰書五子之歌言六馬漢世

此經不傳多言天子駕四公羊說王度記云天子

駕六折羽為旌鳧似鴨而小長尾背上有文陸璣

曰青色卑脚短喙曲禮前有水則載青旌注青青

荏水鳥

中臺之外其右泰士臺右彌士

王卷一

外謂臺之東西也外臺右泰士右彌士言尊王泰

彌相儀之士也補曰泰大也彌終也泰士蓋上大

彌士蓋中士下士作士

受贄者八人東面者四人

受賓幣士也四人東面則西面四人也補曰贄之

言至所執以自致

陳幣當外臺天玄駟宗馬十二

陳束帛被馬於外臺天玄黑駟宗尊也補曰觀禮

奉束帛四馬卓上卓畫續之事天謂之玄玄與

黑別黑者北方之正色六人為玄則有黑有赤赤



者陽之正黑者陰之正惟天體備陰陽之正色博雅駢詞也何葛左氏傳子服景伯曰周之王也制禮上物不過十二以為天之大數也

王玄繚壁基十二

此下三壁皆王玄繚謂以黑組紐之基王名有十

二補曰爾雅肉倍好謂之璧好肉邊也東方之美者

有醫無閭之珣珎琪焉述王屬基即琪也玉人璧

九寸諸侯以享天子郊特牲束帛加璧往德也聘

禮記絢組尺注云五采成文曰絢用五采組長尺

為以繫所以束玉使不墜絢組繫亦名縹藉聘禮

二書

手來

上

曰上介屈縹以授賓其組上以玄為天下以絳為

地

參方玄繚壁豹虎皮十二

參方陳幣三所也壁皮兼陳也補曰郊特牲虎豹

之皮示服猛也

四方玄繚壁琰十二

琰珪也有鋒銳陳之四所方列之也補曰玉人琰

圭九寸判規圭之銳上者

外臺之四隅每隅張赤帟為諸位欲息者皆息焉命

之曰交間

每角帳息者隨所近也諸侯稱父補曰說文父也堂次諸侯朝覲會同張大次小次

周公旦主東方所之青馬黑龍謂之母兒

周公主主東方則太公主西方東青馬則西白馬矣

馬名未聞補曰公羊傳自陝而東者周公主之龍

即鬣字功涉

其中營牆者衣青操弓執矛

戟也名異補曰營牆墮宮之牆也司儀注宮墮土

以為牆後漢祭祀志為墮重營詩傳矛長二丈司

馬法弓矢圍受矛守戈戟助

手

手來

上

西面者正北方稷慎大塵

稷慎肅慎也貢塵似麀正北內臺北也補曰大行

人九州之外謂之蕃國世宣見各以其所貴寶為

擊注周書王會篇焉書序成王既伐東夷肅慎來

賀史記作慎

山海經大荒之中有山曰不咸有肅慎

氏之國在白民北注去遼東三千餘里後漢書挹

婁古肅慎在夫餘東北千餘里東濱大海唐地理

志渤海王城其西南三十里古肅慎城說文塵麀

屬急就篇注似鹿尾大而一角談說者飾其尾執

之以為儀司馬相如上林賦塵麀漢書粵地山多



塵麋麋似鹿而大麋似鹿而小山海經風雨之山即谷之山多塵周書世俘篇武王狩禽麋十有六華陽國志鄆縣宜君山出麋尾切之廣

穢人前兒前兒若獼猴立行聲似小兒

穢韓穢東夷別種補曰後漢東夷傳穢北與高句

驪沃沮南與辰韓接東窮大海西至樂浪山海經注今扶餘國即濊貊故地在爾雅注鯢魚似鮎四脚前似

獼猴後似狗聲如小兒啼大者長八九尺水經注

廣志曰鯢魚聲如小兒有四足形如鱧出伊水史

記謂之人魚始皇辨以司馬相如上林賦注鯢

魚也似鮎有四足聲如嬰兒宋祁益部方物圖

魚出西山溪谷及雅江狀如鯢四足能緣木聲如

兒啼

良夷在子在于帶身人首脂其腹炙之藿則鳴曰在

子

良夷樂浪之夷也貢奇獸補曰山海經朝鮮在列

陽東海北山南注今樂浪縣爾雅疏九夷二曰樂

浪漢樂浪郡故朝鮮國藿豆葉帶字疑

揚州禹禹魚名解隄冠

亦奇魚也補曰說文鯢魚名皮有文出樂浪東曉

神爵四年初捕收輪考工周成王時揚州獻鯢魚切音上林賦禹禹郭璞曰禹禹魚皮有毛黃地黑

文音鰓又

發人鹿人鹿人者若鹿迅走

發亦東夷迅疾補曰漢武帝詔曰周成康刑錯不

用海外肅齊北發渠搜氏羌徠服晉灼曰二恢傳

北發月支可得而臣似國名也大戴記五帝德曰

北山戎發息慎管子曰發朝鮮之文皮博物志江

漢有龜人能化為虎鹿人蓋此類

俞人馬

王卷一十

俞東北夷雖馬騫補如馬一角不角者曰騫補曰

漢書巴俞注俞水名今渝州爾雅騫如馬一角注

元康八年九真郡獵得一獸大如馬一角角如鹿

茸此即騫也今深山中時或見之亦有無角者

青丘狐九尾

青丘海東地名補曰服虔曰青丘國在海東三百

里司馬相如子虛賦秋田乎青丘彷徨乎海外郭氏

圖九尾狐六合一同則見文王時東夷歸之孝經

援神契德至馬獸則狐九尾呂氏春秋禹行塗山



有白狐九尾造於禹山海經青丘國在朝陽北其  
狐九尾青丘之山有獸如狐而九尾其音如嬰兒  
能食人注竹書曰伯好征于東海及三壽得一狐  
九尾

周頭輝羗輝羗者羊也

周頭亦海東夷補曰羗牡羊也說文夷羊百斤左  
右為羗

黑齒白鹿白馬

黑齒西遠之夷也貢白鹿白馬補曰山海經黑齒  
國在青丘北為人黑齒注齒如漆呂氏春秋禹東

至

主

十一

青

至鳥谷青丘之鄉黑齒之國東夷傳裸國東南有

黑齒國船行一年始可至吳都賦注西屠以草染

齒染白作黑伊尹朝獻商書正西漆齒管子雕題

黑齒注南夷之國南夷志黑齒蠻在永昌關南以

漆漆其齒見人以此為飾寢食則去之周語穆王

征犬戎得四白狼四白鹿以歸宋符瑞志黃帝時

南夷乘白鹿來獻

白民乘黃乘黃者似騏驎文選注皆有兩角

白民亦東南夷補曰山海經白民之國在龍魚北

身被髮有乘黃其狀如狐背上有角乘之壽二

千歲東夷傳九夷有白夷漢郊祀歌訾黃注一名  
垂黃龍翼而馬身黃帝乘之而仙淮南子黃帝治  
天下飛黃服阜注飛黃乘黃出西方狀如狐背上  
有角乘之壽三千歲宋符瑞志舜時地出乘黃之  
馬

東越海蜃

東越則海際蜃文蜃補曰通典東越即閩川地文

選注引周書曰東越侮食本草經文蛤表文生東  
海

甌人蟬蛇順食之美

三

手

主

青

東越甌人也交州蛇為上珍補曰山海經甌居海

中注今臨海永寧縣即東甌在岐海中漢以東甌

地立回浦縣後漢以章安縣屬之東甌鄉置永

寧縣記今溫州永嘉縣與地廣楊氏南裔異物志蚌

唯大地既洪且長采色駁犖其文錦章食灰吞鹿

腴成養創資享嘉宴是豆是醕文州地長十丈圍七八尺

於越納

於越越也補曰春秋定哀時三書於越漢書于越

注于發語聲戎蠻之語則然于越猶句具也納謂

納貢



姊妹珍

姊妹國後屬越補曰越語句踐之地西至于姑蔑注今大末輿地廣記衢州龍遊縣本姑蔑越西鄙春秋公及邾儀父盟于蔑公羊穀梁作昧反結妹亦蔑字也珍謂珍物

且甌文蜃

且甌在越間蜃大蜃也補曰甌有二種伊尹朝獻商書正東滬又正南甌漢有東甌又有西甌駱闕越即西甌輿地志周時駱越及甌駱皆芋姓通典貴州古西甌駱越之地西甌喃字爾雅蚌含漿注蚌

書五

丰卷一

丰

即蜃也月令孟冬雉入大水為蜃山海經嶧臯山嶧臯水出焉其中多蜃蜃名蜃者

共人玄貝

共人吳越之蠻玄貝班貽貝也補曰爾雅玄貝貽貝注黑色貝也說文貝海介蟲也古者貨貝周而有泉至秦廢貝行錢山海經陰山濁浴水出焉南流注蕃澤其中多文貝禹貢揚州島夷卉服厥篚織貝鹽鐵論幣與世易夏后氏以玄貝淮南子散宜生得大貝百朋

海陽大蟹

海水之陽一蟹盈車補曰史記蘇秦曰楚東有海陽山海經大蟹在海中又女丑有大蟹注廣千里玄中記北海之蟹舉一螯能加於山身故在水中自深桂

自深亦南蠻也補曰山海經招搖之山多桂注葉似枇杷花叢生冬夏常青間無雜木楚辭嘉南州之炎德兮麗桂樹之冬榮

會稽以鞞皆西嚮

其皮可以冠鼓自大塵已下至此向西而也補曰越絕傳禹封大越上苗山會計更名會稽山海經

書世

丰十

書

江水多鼉注似蜥蜴長二丈有鱗彩皮可以冒鼓詩鼉鼓逢逢疏云四足長丈餘甲如鎧皮堅厚宜冒鼓

正北方義渠以茲白茲白者若白馬鋸牙食虎豹亦在臺北與大塵相對義渠西戎國茲白一名駮補曰西羌傳涇北有義渠之戎地理志北地郡義渠道秦縣也括地志寧原慶三州秦北地郡戰國為義渠戎國之地爾雅駮如馬倨牙食虎豹山海經中曲山有獸如馬而黑三尾一角虎牙爪音如鼓名曰駮食虎豹可以禦兵博物志茲白狀如



酉耳尾長參其身食虎豹之狀有似駝馬  
央英一作林以酉耳酉耳者身若虎豹尾長參其身食  
虎豹

央林戎之在西南者補曰山海經林氏國有珍獸  
大若虎五彩畢具尾長於身名曰騶吾乘之日行  
千里注六韜云紂囚文王閔夫之徒詣林氏國求  
得此獸獻之紂大說乃釋之吾宜作虞劉芳詩義  
書大傳散宜生之於陵氏取恠獸大不辟虎狼  
間尾倍其長名曰虞注間大也虞蓋騶虞也周書  
曰英林酋耳於陵英林音相通其是乎淮南子散

宜生得騶虞雞斯之乘

北唐戎之在西北者射禮以間象為射器補曰山

海經縣雍音之山陽縣其上多玉其獸多間注

間即瑜也似驢而歧蹄角如露羊一名山驢輝諸

之山其獸多間荆山多間女几之山多間風雨之

山多間鄉射禮於郊則間中注間獸名如驢一角

或曰如驢歧蹄北唐即晉陽也詩晉謂之唐傳曰

晉居深山戎狄之與鄰

渠叟以鼉犬鼉犬者露犬也能飛食虎豹

渠叟西戎之別名也補曰禹貢渠搜地理志朔方

州夏有渠搜縣水經河自朔方東轉經渠搜縣故

城北西域圖記鉢汗國在葱嶺之西五百餘里古

之渠搜國山海經馬成之山有獸如白犬而黑頭

見人則飛露犬蓋此類鼉權俱切一作鼉

樓煩以星施一作星施者珥旄樓煩北煩地施所以為旄羽珥文選注旄玄曰補

曰匈奴傳晉北有樓煩之戎伊尹朝獻商書正北

樓煩地理志鴈門樓煩縣故樓煩胡也州城在代

遇樓煩王主父出代旄以旄牛尾山海經潘侯山

有獸狀如牛而四節生毛名曰旄牛注背膝及胡

尾皆有長毛爾雅犛牛旄牛也顏師古曰今謂偏

牛揚雄甘泉賦流星旄以電燭荀子西海文旄

卜盧以紃牛紃牛者牛之小者也

卜盧盧人面西北戎也合盧水是補曰牧誓微盧

彭濮人注盧在西北立政夷微盧烝括地志房州

竹山縣及金州古盧國左氏傳有盧戎紃與綌同

詩有綌其角綌曲貌穀梁傳解角注球球然角貌

區陽以鼉封鼉封者若鼉前後有首

區陽亦戎之名補曰盛弘之荊州記武陵郡西有



陽山山有獸如鹿前後有頭常以一頭食一頭行  
山中有時見之者

規規以麟麟者仁獸也

規規亦戎也麟似鹿牛尾一角馬蹄也補曰爾雅  
麋麋身牛尾一角角端有肉陸璣疏云音中鍾呂  
行中規矩不履生蟲不踐生草王者至仁則出宋  
符瑞志成王時麒麟遊苑

西申以鳳鳥鳳鳥者戴仁抱義抱信

其形似鶴蛇首魚尾戴仁向仁國抱義懷有義抱  
信歸有信也補曰爾雅鳳一名鷟注雞頭蛇頸無

手卷

上

領龜背魚尾五彩色高足六尺許山海經丹穴之

山有鳥其狀如雞五采而文名曰鳳皇首文曰德

翼文曰義背文曰禮膺文曰仁腹文曰信自歌自

舞見則天下安寧說文神鳥也天老曰鳳五色備

舉出於東方君子之國見則天下大安寧古作翔

象形鳳飛羣鳥從以萬數故亦以為朋黨字禽經

青鳳謂之鵠赤鳳謂之鶡黃鳳謂之鸞白鳳謂之

鸛紫鳳謂之鷩蔡邕琴操成王時天下大治鳳皇

來舞於庭成王乃援琴而歌曰鳳皇翔兮於紫庭

余何德兮以感靈淮子曰二皇鳳至於庭三代

鳳至於澤德彌澆所至彌遠德彌精所至彌近  
氏羌以鸞鳥

氏羌地羌不同故謂之氏羌今謂之氏鸞文於鳳  
亦歸於仁義者也補曰商頌自彼氏羌牧誓是髦  
說文西方羌以羊地理志隴西有氏道羌道氏夷  
種名羌即西域姑羌之屬括地志隴右岷洮叢宰  
州西羌也黃氏曰羌古姜姓三苗之後居三危爾  
雅疏戎類曰耆羌山海經氏羌乞姓賈捐之曰成  
王地西不過氏羌山海經女牀之山有鳥狀如翟  
而五彩文名曰鸞鳥免則天下安寧說文鸞赤色

手卷

上

五采雞形鳴中五音頌聲作則至成王時氏羌獻

焉漢蔡邕曰凡象鳳者五色青也青者瑞應圖鸞鳥

赤神之精鳳皇之佐尚書中候周公歸政於成王

太平制禮鸞鳥見子孫鸞鳥生飛龍飛龍生鳳皇

皇生鸞鳥

巴人以比翼鳥

巴人在南者比翼鳥不比不飛其名鸛鸛補曰左傳

注巴國在巴郡江州縣今渝州郡縣志渝古巴

國也閬白二水東南流曲折如巴字故謂之巴武

王伐殷巴人助焉其人勇銳歌舞以凌殷郊後封



為巴子其地東至魚復西轅道接漢中南極梓桐  
巴子城在合州石鏡縣南五里山海經後照始為巴人爾雅南方  
有比翼鳥焉不比不飛其名謂之鸛鸛注似鳬青  
赤色山海經崇吾之山有鳥其狀如鳬而一翼  
目相得乃飛名曰鸛鸛見則天下大水注比翼鳥  
也南山在結匈東南比翼鳥在其東其為鳥青赤  
兩鳥比翼管仲曰西海致比翼之鳥注山海經其  
南海其說異瑞應圖王者德及高遠則至王嘉  
拾遺記成王時燃丘國獻之狀如鵠而多力張華  
以為一青一赤在參峴山

方煬以皇鳥

方煬亦戎別名皇鳥配於鳳者也補曰爾雅鳳其  
雌皇符瑞志其鳴雄曰節節雌曰足足詩鳳皇鳴  
矣于彼高岡荀子詩曰鳳凰秋秋其翼若干其聲  
若簫

蜀人以文翰文翰者若皋雞

鳥有文彩者皋雞似鳬異州謂之澤特也集一作  
皇補曰蜀見于牧誓華陽國志蜀之先肇於人皇  
之際黃帝為子昌意娶蜀山氏後子孫因封焉蒙  
宇記蠶叢始稱王次曰栢灌次曰魚鳬其後杜宇

號望帝以褒斜為前門熊耳靈關為後戶至聖  
眉為池澤禪位於開明自開明而上至蠶叢凡四  
千歲秦以其地為蜀郡今成都府爾雅鸛天雞注鸛雞  
赤羽逸周書曰文翰若彩雞成王時蜀人獻之說  
文翰天雞赤羽也逸周書文翰若鸛雉一名鸛風  
周成王時獻之鸛雉肥鸛音者魯郊以丹雞祝曰  
以斯鸛音赤羽去魯侯之咎

方人以孔鳥

方人亦戎別名孔與鸛相配者補曰東夷傳九夷  
有方夷竹書紀年少康即位方夷來賓孔雀生南

海蓋鸛鳳之亞藝文類聚引周書曰成王時西方

人獻孔雀山海經南方多孔鳥春秋元命苞火離  
為孔雀異物志大如鴈而足高細頸隆背似鳳自  
背及尾皆珠文五彩光耀長短相次羽毛末皆負  
文五色相繞頭戴三毛長寸以為冠足有距迎晨  
則鳴相和人指其尾則舞交州記色青尾長六七  
尺能舒舞足為節漢南粵獻孔雀二隻

小人以丹砂一作沙

小人西南之蠻丹砂所出補曰太平御覽小人蓋  
今之濮人也伊尹為四方獻令正南百濮牧誓注



濮在江漢之南爾雅南至於濮鉉郡國志越舊會  
無縣華陽國志曰故濮人邑左氏傳巴濮吾南土  
也劉伯莊曰濮在楚西南鄭語楚蚡冒始啓濮永  
昌郡傳曰雲南郡多夷濮禹貢荊州貢丹山海經  
桓山多丹粟注細丹砂如粟荀子南海有丹干本  
草丹砂生符陵山谷勝今出辰宜階州而辰最職方  
氏荊州其利丹銀

夷用關木

夷東北夷也木生水中黑色而光其堅石鐵補曰  
山海經夷人在東胡東崔豹古今注烏文木出波

斯國集韻關木名

切消南方草木狀文木樹高七

八丈色正黑如水牛角

康人以桴桴桴者其實如李食之宜子

康亦西戎別名也食桴桴即有身補曰隋書康國

康居之後也唐以其地為康居都督府漢西域傳

康居去長安萬二千三百里說文茅苴一名馬舄

其實如李令人宜子周書所說或以山海經茅

苴木也王肅引周書云茅苴如李出於西戎王基

駁云王會所記雜物奇獸皆四夷遠國各齎土地

異物以為貢贄非周南婦人所得采茅苴為馬舄

之草非西戎之木也

州靡費費其形人身反踵自笑笑則上脣翕其目食

人北方謂之吐噎

反踵一作土噎

州靡北狄費費曰梟羊好立行如人被髮前足指

長補曰漢書注噪陽費費也人面黑身有毛反踵

見人則笑脣蔽其目出淮南子山海經梟陽國在

北胸之西其為人面長脣黑身有毛反踵見人

笑亦笑左手操管注海內經謂之顓臾人今交

州南康郡深山中皆有此物也長丈許脚跟反向

健走被髮好笑雌者能作汁灑中人即病土俗呼

王

為山都南康今有顓水以有此人因以名水

有獸其狀如羊而四爾雅狝狝如人被髮迅走食

角名曰上犛是食人說文成王時州靡國獻鵠或作狝

思吳都賦萬萬笑而就格張衡玄圖梟羊喜獲先

笑後愁

都一作郭狝狝狝狝生一作欺羽狝狝若黃狗人面能言

都郭北夷狝狝獸名補曰山海經汜林方三百里

在狝狝東狝狝知人名其為獸如豕而人面爾雅

猩猩小而好啼注山海經人面豕身能言語今交

趾封谿縣出猩猩狀如獼狝聲似小兒啼荀子曰



猩猩形笑亦二足毛也博物志若黃狗與居書同  
左思吳都賦猩猩啼而就擒淮南萬畢術猩猩知  
往郭璞贊曰厥狀似猴號音若嚶水經注形若狗  
而人面頭顏端正善與人言音聲妙麗如婦人  
奇幹善芳善芳者頭若雄雞佩之令人不昧一作昧  
皆東鄉

奇幹亦北狄善芳鳥名不昧不忘也此東向列次  
也補曰山海經翼望之山有鳥其狀如鳥三首六  
尾而善笑名曰鵠鵠音荷服之使人不厭注不厭  
夢也周書云服者不昧或曰昧昧目也善芳太平

御覽作獻茅  
北方臺正東高夷嘽羊嘽羊者羊而四角

高夷東北夷高句驪補曰爾雅疏九夷三曰高驪  
東夷傳高句驪在遼東之東千里南與朝鮮滅貊

東與沃沮北與夫餘接東夷相傳以為夫餘別述  
異記成王時東夷進六角羊亦嘽羊之類嘽乎後

漢書冉駹夷有五角羊

獨鹿邛邛距虛善走也

獨鹿西方之戎也邛邛獸似鼠距虛負蟹而走也  
補曰周書史記篇阪泉氏徒立至于獨鹿注西戎

地名爾雅西方有比肩獸焉與邛邛距虛比為邛  
邛距虛齧甘草即有難邛邛距虛負而走其名謂  
之蟹注呂氏春秋曰北方有獸其名為蟹鼠前而  
兔後趨則傾走則顛然則邛邛距虛亦宜鼠後而  
兔前前高不能取甘草故須蟹食之今鴈門廣武  
縣夏屋山中有獸形如兔而大相負共行土俗謂  
之蟹鼠音穆天子傳邛邛距虛日走五百里符瑞  
志比肩獸王者德及於寡則至說文作蟹音瑞  
形皆兔也但前足比後足大漢中有一兔  
兄皆兔也但前足比後足大漢中有一兔  
處蓋二獸子虛賦曰楚王使子虛張揖以為

孤竹距虛  
孤竹東北夷距虛野獸驢騾之屬補曰爾雅解竹  
在北荒地理志遼西今支有孤竹城括地志孤竹  
故城在平州盧龍縣南十二里殷時諸侯國姓墨  
胎氏史記正義孤竹君是殷湯正月三日丙寅封  
相傳至夷齊之公山海經北海有素獸狀如馬名  
曰蛭蛭注蛭蛭虛也一走百里穆天子傳距虛

孤竹東北夷距虛野獸驢騾之屬補曰爾雅解竹  
在北荒地理志遼西今支有孤竹城括地志孤竹  
故城在平州盧龍縣南十二里殷時諸侯國姓墨  
胎氏史記正義孤竹君是殷湯正月三日丙寅封  
相傳至夷齊之公山海經北海有素獸狀如馬名  
曰蛭蛭注蛭蛭虛也一走百里穆天子傳距虛



注亦馬屬尸子曰距虛不擇地而遠玉篇駝駝

似驪

不令支玄獾

不令支皆東北夷獾白狐玄獾則黑狐補曰齊語

北伐山戎荆令支離按斬孤竹注二國山戎之與

也令支今為縣屬遼西孤竹之城在焉括地志令

支故城在平州盧龍縣西七十里管子爾雅獾白

豹注似熊小頭庫脚黑白駁能舐食銅鐵及竹骨

骨節強直中實少髓皮辟濕或曰豹白色者別名

獾說文似熊而黃黑色出蜀中莫白切南中志曰

霜大如驪狀頗似熊多力食鐵所觸無不拉廣志

曰霜色蒼白其皮溫煖

不屠何十熊

不屠何亦東北夷也補曰管子曰桓公敗胡貉破

屠何注屠何東胡之先也說文熊似豕山居冬蟄

上林賦注大禹貢州貢熊羆

東胡黃羆

東胡東北西

海紅大澤在

有東胡服虔曰烏桓

先也後為鮮卑爾雅羆如

熊黃白文似熊而長頭高脚猛獸多力能拔樹木

開西呼曰羆羆詩韓侯其追其貆奄受北國猷其

黃羆陸璣疏羆大於熊淮南子散宜生得玄豹黃

羆以獻於紂

山戎戎菽

山戎亦東北夷戎菽巨豆也補曰匈奴傳燕北有

山戎山戎越燕而伐齊史記正義今奚國杜預曰

山戎北狄無終三名一也括地志幽州漁陽縣本

北戎無終子國漢書戎菽注胡豆也管子桓公北

伐山戎以戎菽遍布於天下

其西般吾白虎

次西也般吾北狄近西也補曰鄭志張逸問詩傳

白虎黑文答曰周史王會云今關西詩釋文騶虞

義獸也白虎黑文不食生物淮南子有至信

之德則至周書王會草木疏並同又云尾長於身

不履生草說文彪白虎也虎莫切爾雅彪白虎虎莫切

瑞應圖白虎者仁而不殺王者不暴虐恩及行葦

則見淳熙帝時南郡獲淮南子散宜生得白虎

獻紂

屠州黑豹



屠川狄之別名補曰晉史北狄有屠名山海經  
都山多玄虎玄豹散宜生得玄豹列女傳南山有  
玄豹霧雨七日而不下食欲以澤其毛而成文章  
也爾雅黼切黑虎注晉建平秭歸縣檻得之狀  
如小虎而黑毛深者為斑

禹氏駟駟

禹氏西北戎夷駟駟馬之屬補曰管子曰堯舜之  
王北用禹氏之玉注西北戎名又曰玉幣有七策  
禹氏邊山之玉一策也伊尹朝獻商書正北以陶  
駟為獻山海經北海內有獸狀如馬名駟駟色青

王卷一

七

字林北狄良馬也一曰野馬瑞應圖云幽隱之獸  
也有明王在位即至說文野馬之良也史記匈奴傳  
海音中其燧燧如馬非野馬也

大夏茲白牛

大夏西北戎茲白牛野獸也似白牛形補曰伊尹  
朝獻商書正北大夏山海經國在流沙外者大夏  
史記大夏在大宛西南二千餘里管子桓公西伐  
大夏涉流沙

大戎文馬而赤鬣縞身目若黃金名吉一作皇黃  
之乘

大戎西戎之遠者也補曰山海經白犬有北壯足  
為犬戎書傳文王伐大夷匈奴傳西伯伐夷  
戎隴以西有犬戎山海經犬封國曰大戎國狀如  
犬有文馬縞身朱鬣目若黃金名曰吉量一作作  
乘之壽千歲注六韜曰文身朱鬣眼若黃金項若  
雞尾名曰雞斯之乘書大傳散宜生之犬戎氏取  
美馬駟身朱鬣雞目者取九六馬瑞應圖騰黃神  
馬一名吉光說文馬赤鬣縞身目若黃金名曰媽  
吉皇之乘周文王時犬戎獻之  
數楚每牛每牛者牛之小者也

王卷一

六

六

數楚亦北戎也補曰爾雅注犝牛庫小今之犝牛  
也又呼果下牛

匈奴狡犬狡犬者巨身四足乘皆北犝

匈奴醜北戎也補曰伊尹朝獻商書正北匈奴晉  
灼曰堯時曰葷粥周曰獫狁秦曰匈奴通典云山  
海經已有匈奴爾雅疏五狄三曰匈奴說文狡少  
狗也匈奴有狡犬巨口而黑身

權扶玉目

權扶南蠻也玉之有光明者形小也補曰周禮注  
相玉書曰璚玉六寸明自照



白州比閭比閭者其華若羽伐其木以為車終行不敗

白州東南蠻與白民接也水中可居曰洲洲中出此珍木補曰爾雅疏戎類有老白廣志撥一名并閭葉似車輪比閭疑亦并閭之類

禽人管

亦東南蠻管草堅忍補曰爾雅白華野管注茅屬陸璣疏管似茅其根下有白粉柔韌宜為索

路又大竹

路人東南蠻貢大竹補曰鄭語北有路洛泉徐浦

卷十

北

注皆赤翟隗姓春秋赤狄潞氏

潞氏今潞州山海經長

石山之西有共谷其中多竹衛丘之山竹林在焉大可為舟岳山尋竹生焉

大竹也

長沙龍

特大而美故貢也補曰湘川記秦分黔中以南長

沙鄉為長沙郡

其西魚復鼓鐘鐘牛

以西列也魚復南蠻國貢鼓及鐘而似牛形者美遠致也補曰左傳魚人注魚復今巴東永安縣

十道志夔州春秋時魚國漢為巴郡魚復

縣鐘牛未詳

蠻揚之翟

揚州之蠻貢翟鳥補曰禹貢揚州有鳥夷翟雉名徐州羽畎夏翟左傳注南方曰翟雉爾雅鶴山雉注長尾者疏云今俗呼山雞王叔之翟雉賦雉見質而不陋翟表文而不華

倉吾翡翠翡翠者所以取羽

倉吾亦蠻也翠羽其青而有黃也補曰山海經南方蒼梧之丘禮記注蒼梧於周南越之地楚吳起南并蠻越遂有蒼梧漢有蒼梧王趙光後平南粵

王卷一

卅

以其地為蒼梧郡

今梧州府屬昭平縣

爾雅翠

鷁注似燕紺色生鬱林伊尹朝獻商書正南翠羽異物志曰翠鳥似鷁青赤而翠青其羽可以為飾交州記翡翠出九真頭黑腹下赤青縹色似鷁鳩其餘皆可知自古之政

餘謂衆諸侯貢物也言政化之所致也補曰書旅獒曰明王慎德四夷咸賓無有遠邇畢獻方物惟服食器用而此篇諸方致貢無所不有蓋遠人來慕以其寶摯而不寶遠物以庶邦惟正之供乃成王之心也

明堂位九夷蠻六戎五狄鄭注云周夷蠻七閩九貉五戎六狄鄭注云周



南人致衆者皆北嚮

南人南越補曰歷代史皆云五嶺之南至于海並禹貢揚州之地故云揚粵朱子曰山海經記諸異物飛走之類多云東向或云東首皆為一定不易之形疑本依圖畫而為之古人有圖畫之學如九歌天問皆其類愚謂此篇亦然鄭康成注禮詩叔重說文皆稽以為證蓋周書著錄于劉略班志非晉時始出繫之汲冢失其本矣閔覽洽聞之士如郭景純王元長援述者不一宜與禹貢職方並傳

叙事之祖也若禹四海異物載於大傳湯四方獻令附於王會合而觀之三代之典粲然矣

禹四海異物

鄭氏注

夏成五服外溥四海

言德廣之所及補曰五服甸侯綏要荒薄迫也九州之外迫於四海

東海魚須魚目

所貢物魚須今以為簪又魚目今以雜珠補曰子虛賦靡魚須之撓旃注大魚之須出東海見尚書大傳雜書曰秦失金鏡魚目入珠

南海魚革珠璣大貝

魚革今以飾小車纏兵室之口貝古以為貨王莽時亦然補曰璣珠不圓也禹貢荊州厥篚璣大傳曰散宜生得大貝如車渠爾雅大貝曰蚌說文鮐大貝也音同詩象弭魚服注魚服魚皮也草木疏魚獸似豬東海有之其皮背上班文腹下純青為弓韃矢服海潮及天將雨其毛皆起

西海魚骨魚幹魚脊

魚幹魚脊未聞

北海魚鈔魚石出瑱擊閭

王卷一

世二

魚鈔魚兵如鈔也魚石頭中石也出瑱狀如凝膏在水上擊閭狀如鮐魚大五六尺今海家謂之鱣補曰鱣魚石首也出南海頭中有石集韻鈔俗作鈔非是南州異物志鰐齒如刀鋸

河魼

魼當作鼃鼃狀如鼈而大月令季夏命漁人伐魼取鼃登龜取鼃也補曰集韻鼃或作魼

江鱣大龜

鱣或作鼃鼃狀如蜥蜴長六十尺鱣或為鱣鱣也補曰說文鱣魚名皮可為鼓禹貢九江納錫大



龜漢食貨志大龜距髯長尺二寸

五湖元唐

五湖揚州浸也今屬吳元唐未聞補曰國語韋昭注太湖即五湖

鉅野濊

鉅大也野魯藪今屬山陽濊補曰鉅野在濟州鉅野縣一名大野職方文州藪廣志曰鉅野大於

常陵

鉅定羸

鉅定澤也今屬樂安有故縣屬齊羸蝸止補曰英

志齊郡鉅定縣水經注淄水自利縣東北流逕東

安平城北又東逕巨淀縣故城南縣東南則巨淀

湖蓋以水受名也河渠書東海引鉅定國語注羸

蚌蛤屬亦作螺

濟中瞻諸

瞻諸鼃也補曰沔水出河南府王屋山東流至

孟州濟源縣而名濟水字本作沛淮南子詹諸注

蝦蟇

孟諸靈龜

孟諸宋藪也龜俯者靈周禮天龜曰靈屬補曰孟

諸在應天府虞城縣一作盟豬職方青州藪左傳孟諸之麋

隆谷玄王

隆讀如厯降之降或作函谷今河南穀城西關山也補曰鄭注立政云三亳者東成臯南轅轅西隆谷秦函谷關在陝州靈寶縣西南漢弘農縣淮南子散宜生得玄王百工以獻於紂

大都鯉魚刀

大都明都鯉魚今江南以為鮑魚刀魚兵如

刀者也補曰史記道荷澤被明都索隱音孟豬說

文經魚名

漢書注鯢刀魚也

咸會於中國

言德能及之異物來至也

湯四方獻令

孔氏傳

伊尹朝獻商書

不周書錄中以事類來附

言別有此書也王會俱朝貢事故今附合

湯問伊尹曰諸侯來獻或無牛馬之所生而獻遠方

之物事實相反不利

非其所有而當遠求其民故不利也



今吾欲因其地勢所有獻之易得而必貴其為四方獻令

制其所服之令

伊尹受命為四方令曰臣請正東符婁仇州伊慮漚

深九夷十蠻越漚鬻髮文身鬻鬻切

九夷十蠻者東夷蠻越之別稱鬻髮文身因其事

以名也補曰符婁後漢東夷傳有夫餘國在玄菟

北挹婁古肅慎之國仇州伊慮未詳仇州海中洲

漢遼東郡有無慮縣顏氏注即所謂醫無閭伊慮

即醫閭也漚深即鬻也上見九夷東夷傳夷有九種

王卷一

世五

曰畎夷干夷方夷黃夷白夷赤夷玄夷風夷陽夷

竹書紀年后芬三年九夷來御孔子欲居九夷

畎九夷一曰玄菟二樂浪三高麗四滿鮮五島夷六索家七東屠八倭人九天師十蠻書

武王通道于九夷八蠻職方四夷八蠻蠻類有八

天竺咳首焦僂跛踵穿曾儋耳狗軹旁春爾雅六

蠻此云十蠻言其非一而已越禹之苗裔封會稽

世本芊姓東越閩君皆其後又交趾之南有越裳

國漚亦鬻也鬻髮垂史記越文身斷髮趙世家云

剪髮文身鬻越之民也吳世家注常在水中故斷

其髮又其身以象龍子故不見傷害

地理志以避蛟龍之害王

制東方曰夷被髮文身通典文身國梁時開馬在倭東人以體有文如獸額上有三文

請令以魚皮之鞞鯢之醬蛟鰓利劍為獻

鞞刀削鯢魚名鰓膚也鯢皮作之鯢文魚也補曰

左傳注鞞佩刀削上飾詩鞞琫有珌正義鞞今刀

鞞說文為鯢魚名荀子楚人鯢革為甲方言盾或

謂之鰓鰓皮可飾刀劍口本草注沙魚一名鯢

經注鯢皮可飾刀劍口本草注沙魚一名鯢

正南甌鄧桂國損子產里百濮九箇一作重

六者南蠻之別名補曰百濮見左傳鄧曼姓甌即

甌駱山海經桂林八樹在番禺東秦南取百粵之

王卷一

三十五

地為桂林郡漢曰鬱林餘未詳後漢注里蠻之別

號今呼為俚人

請令以珠璣瑇瑁象齒文犀翠羽菌鶴矩狗為獻

璣似珠而小菌鶴可用為旌翳矩狗狗之善者也

正西昆侖狗國鬼親枳已聞耳貫曾離題離丘漆齒

文選注離身染齒後漢注曾作離

九者西戎之別名也聞耳貫曾離題漆齒亦因其

事以名之補曰禹貢織皮昆侖王肅曰昆侖在臨

羌西今蘭州狗國大戎也唐天文志聲教所不暨

皆係于狗國鬼親鬼方也通典流彘在北海之北



鬼國在駁馬國西枳己未詳左傳衛侯入于戎州  
已氏在楚丘縣爾雅疏蠻類有狗軼聞耳山海經  
有聶耳離耳國呂氏春秋北懷聞耳貫習山海經  
其為人胸有竅尸子曰貫胸者黃帝之德嘗致之  
爾雅疏蠻類有穿胸離題王制曰南方曰蠻離題  
雕刻鏤也題額也刻其肌以丹青涅之山海經有  
彫題國通典百越古謂之離題離身山海經有三  
身國一首三身漆齒山海經有黑齒國齒如漆後  
漢東夷傳自朱儒東南至黑齒國唐黑齒常之百  
濟西部人

卷一 北七

請命以丹青白旄紕屬江歷龍角神龜為獻

江歷珠名龍解角故得也補曰荀子南海有曾青  
丹丹西海有文旄何承天纂文曰紕氏屬也卑疑

反

正北空同大夏莎車姑他旦略胡代翟匈奴樓煩

月氏蟻犂其龍東胡代

十二者北狄之別名也戎狄在西北界戎翟之間  
國名也補曰空同爾雅北戴斗極為空桐黃帝西  
至于空桐山在史記趙襄子娶空同氏大夏在西  
域月氏擊而臣之淮南子空同大夏揚子大夏之

西莎車國治莎車城姑他未詳趙世家北滅黑姑  
旦略木詳豹胡北胡也代北狄之別秦漢代縣  
州翟與狄同晉語翟祖又赤翟隗姓匈奴見山海  
經殷曰獯粥周曰獫狁樓煩在晉北趙武靈王北  
破樓煩月氏居敦煌祁連間與匈奴同俗樓煩其  
龍未詳漢匈奴傳有昆龍新羣國東胡在燕北見  
山海經燕秦開襲破東胡秦時東胡疆月氏盛漢  
鮮卑東胡之支也烏桓本東胡唐契丹奚本東胡  
種爾雅疏狄類有五月支穢貊匈奴單于白屋  
請令以臺駝白玉野馬駒駘駘良弓為獻

卷一 北八

補曰漢西域傳大月氏出一封橐駝唐吐蕃獨峯  
駝日馳千里爾雅野馬如馬而小出塞外鮮卑有  
野馬駘駘駘馬也生七日而超其母後漢東夷傳  
句驪別種名小水貊出好弓所謂貊弓

湯曰善

周書王會



